

REFERAT MAA - Meeqqanut Atuarfeqarnermullu Ataatsimiititaq d. 18-09-2019

Mødedato Onsdag d. 18. september 2019 kl. 18:00

Mødested kommunalbestyrelsen's ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Atuanngitsoortarneq pillugu ilisimatitsissut.....	7
Meeqqat Atuarfianni isumaginninnermut siunnersorteqarnerup killiffia.....	11
Nuussuup Atuarfiani ilinniakkerisarfik.....	14
Kivitsisa aamma Meeqqat Atuarfianni angusat kingulliit pillugit ataatsimeeqatigiinneq.....	17
Aalajangiiffigisassat.....	20
Suliat Aningaasaqarnermut Inuussutissarsiornermullu Ataatsimiititamut.....	21
Meeqquerivinni nakkutilliinermut naliliineq.....	22
Taasariaqartut allat.....	27
Suliaq matoqqasoq.....	28
Imaqarniliap akuerineqarnera.....	29

Punkt 0: Saqqaa

Michael Rosing (SA) Siulittaasoq

Henrik Rachlev (IA)

Knud Mathiassen (IA)

Uju Petersen (IA)

Thiiooq Knudsen (S)

Beslutning

Ilaasinnaanatik nalunaartut:

Henrik Rachlev (IA)

Justus Hansen (D)

Sinniisussatut aggersakkat:

Justus Hansen (D)

Punkt 1: Oqaluuserisassat akuerineqarneri

Beslutning

Oqaluuserisassat akuerineqarput.

Punkt 2: Nalunaarutit

Siulittaasumit nalunaarutit

Beslutning

02A. Siulittaasumit nalunaarutit.

Soqanngilaq.

02B. Ingerlatsivimmit nalunaarutit.

Ingerlatsiviup atuarfeqarnermut meeqqeriveqarnermullu susasassaqaarfik marlunngorlugu avissimavaat. Maannalu atuarfeqarnermut tunngatillugu susassaqaarfimmut pisortamik atorfinitsitseqqammerput. Meeqqeriveqarneq pillugu susassaqaarfimmi pisrtassarsiorneq ingeranneqarpoq, utaqqiisaagallartumillu susassaqaarfimmi pisortaagallartumik sulisitsisoqarluni.

Punkt 3: Ilisimatitsissutit

Punkt 03A: Atuangitsoortarneq pillugu ilisimatitsissut

Beslutning

Ilisimatitsissut tusaatissatut tiguneqarpoq.

Atuanngitsoortarnej pillugu ilisimatitsissut

Ilisimatitsissut

J.nr.: 51.00-G01-188-19

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Atuarfiit pisortaasa upernaq 2019-imi ataatsimiinneranni atuanngitsoortarnej pillugu oqallittoqarpoq, atuanngitsoortarnerup annikillisinneqarnissaanut suut suliniutigineqarsinnaanerit ilanngullugu. Ataatsimiinneq taanna tunngavigalugu, Atuarfinnut Ulluuneranilu neqeroorutigineqartunut immikkoortoqarfik aggstip qaammataani Nuummi atuarfiit tallimat ilinniartitsisuiunut immikkut sapaatip akunnerani sammisaqartitsisoqarpoq. Qulequtarineqarpoq atuartut atuanngitsoortarnerat aamma atuarumangittarnerat pillugit ilisimasat paasisallu.

Atuanngitsoortarnerup annikinnerulersinneqarnissaa, aammali atuarfimmiinnerup pitsaanerulersinneqarnissaa suliama siunertarineqarpoq. Atuanngitsoortarnerup qaffasinnera ilikkagassanut kisimi kinguneqarani aamma inooqataanerup pingaassusianut sunniuteqartarpoq.

Inassuteqaatit

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- Ilisimatitsissut tusaatissatut tiguneqassasoq

Suliassamik saqqummiussineq

Misissuinerit takutinneqarpoq ullut marluk qaammatit tamaasa atuanngitsoortaraanni, ukiut atuarfiusut ingerlanera tamaat, taava ukiup ataatsip ingerlanerani ilikkagassat annaaneqartartut, ilikkagassatullu annaasimasat ilikkarniarnissaat ajornakusoorsisartoq.

Ilisimatusarnermit ersersinneqarpoq, atuanngitsoortarnej qaffasissimappat tamanna meeqqap inuuneranut sunniutulerujussuusartoq. Meeqqat peqatimisulli ilikkagaqarnej ajornata, kammalaatissaminnillu pissarsiniartarnerminni ajornartorsiuteqarsinnaammata. Ilisimatusarnerullu aamma takutippaa, meeqqat atuanngitsookulasarnerat qaffasikkaangat, taava inuusuttunut ilinniartinni ilinniakkamik naammassisaqarnissaq ajornakusoortuusartoq. Taamaattumik meeqqat atuanngitsoortarnerisa iliuuseqarfiginierneqarnera pissutissaqarluarpoq.

Illoqarfiit atuarfiini atuanngitsoortarnerup iliuuseqarfiginierneqarnera, atuanngitsoortarnerup annertuup illuatungaanut saatinniarnissaa, atuariatortarnej qaffasissunngortillugu, siunertarineqarpoq. Nuummi illoqarfiup atuarfiini atuanngitsoortarnej agguaqatigiissillugu 7,91 %-iuvoq, tamanna Danmarkimi atuanngitsoortarnermut sanilliukkaanni Danmarkimi 5.9 %-iuvoq.

Kisitsisinit ersersinneqarpoq, atuarfiit atuanngitsoortarnej pillugu suli annerusumik eqqumaffinnittariaqartut. Atuartut ilinniakkatigut qaffassarneqassappata, sapingisaq tamaat, taava atuariatortarnissaat pingaaruteqarpoq. Atuartut amerlanerit atuariatortarpata, taava ilinniagaqarnissaminnut periarfissaqarnerulissapput, anguniagaavorlu Kommuneqarfik Sermersuumi meeqqat atuarfianni 2020-mi atuartut 80%-iisa ilinniaqqiffinnut ingerlaqqittarnissaat, taamaattumik atuanngitsoortarnermut uuttuutip qiviartarnissaa pingaaruteqarpoq.

¹ Agguaqatigiissitsinermi atuarfiit tallimaasuniit pingasut naatsorsorneqarput.

Atuanngitsoortarnerup annikinnerulersinneqarnissaa, aammali atuarfimminnerup pitsaanerulersinneqarnissaa suliame siunertarineqarpoq. Iisimatusarnerup takutippaa, atuartut atuanngitsoortarnerannut pissutaasut arlaliusut, pissutaasullu assingiitsorujussuusinnaasut.

Atuartumut ataasiakkaamut pingaaruteqarnerata saniatigut, atuanngitsoortarneq aamma atuaqatigiit klassiata ataatsimut qanoq ingerlaneranut - atuakkatigut inooqataanikkullu, pingaaruteqarpoq.

Massakkut atuanngitsoortarnerup aamma siunissami pinngitsoortinniarneqarnissaa pillugu, Meeqqanut Atuarfeqarnermullu Ingerlatsiviup ataatsimut malittarisassaliornissaa immikkoortunullu anguniagassanut erseqqissunik nassuaateqarnissaa pingaaruteqarpoq. Ataatsimut malittarisassat qaqugukkut atuanngitsoortarnerup ernumanartunngortarneranik, atuarfiup qaqugukkut atuanngitsoortarnerup qaffasinnera pillugu nalunaarusiortarnissaanik aammalu atuanngitsoortarnerup qaqugukkut akuerineqarsinnaaneranik/akuerineqarsinnaannginneranik imaqartinneqassaaq. Innersuussutigineqarpoq Kommuneqarfik Sermersuumi atuarfiit atuartut atunngitsoortarnerat pillugu aaqqissuussaasumik aamma ernumassuteqarnermi qanoq iliuuseqartoqartarnissaanik isummissasut. Tamatumani Meeqqanut Atuarfeqarnermullu Ingerlatsivimmit kommunimi atuartut atuanngitsoortarnerat pillugu kisitsisit anguniagassat qanoq killeqartinneqarnissaat aamma atuarfiit tamarmik atuanngitsoortarneq pillugu Tabulex Tea atorlugu sulisinaanissaat isumagineqassaaq.

Aaqqiissutissatut siunnersuut – suliatigut naliliineq

2019-imi aggustimi Nuummi ilinniartitsisut aammalu aqutsisut pikkorissarneqarlutillu piginnaangorsarnissamut ineriartuutaasumik ingerlatsivigineqarput. Pikkorissarnermi atuanngitsoortarnerup annikillisinneqarnissaa pillugu ilisimasaqarnerulernissaaq aamma soq eqqumaffigineqarnissaata pingaaruteqarnera, kiisalu ilinniagaqarsimasutut illoraap tungaanut qanoq kaammattuisinnaatigineq pineqarput. Atuarfiit ataasiakkaat ataatsimoorlutik qulequtaq pillugu suliaqarnissaminnut eqqartuinissaminnullu periarfissinneqarput, atuarfiillu immikkut atuanngitsoortarneq pillugu suliassamik ingerlateqqinnissaannut tunngavissinneqarput.

Siunissami atuarfiit atuanngitsoortarneq pillugu iliuusissanik pilersaarusiortassapput malittarisassaliorlutillu.

Meeqqanut Atuarfeqarnermullu Ingerlatsiviup Kommuneqarfik Sermersuumi atuanngitsoortarneq pillugu ataatsimut malittarisassat aamma kisitsisit anguniagassat suuneri suliarissavai.

Aningaasatigut sulisoqarnikkullu naliliinerit

Soqanngilaq.

Inatsisitigut tunngavissaq allakkallu tunngaviusumik uppernarsaatitallit

Suleqatigiinnissamut isumaqatigiissut

- Immikkut qitiutinneqartussaq: Kommunimi meeqqat atuarfiisa meeqqat tamarmik piginnaasaannut tulluarsarnissaat atugarissaarnissaallu qitiutillugit nukittorsarnissaat. Anguniagaq: 2020-mi Kommuneqarfik Sermersuumi atuartut 80 %-ii inuusuttut ilinniagaannut ingerlaqqissapput

Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq

Ingerlariaqqinnissaq

Atuarfiit atuanngitsoortarneq pillugu malittarisassat nammeneq ingerlateqqissavaat.

Meeqqanut Atuarfeqarnermullu Ingerlatsivik Atuarfeqarnermut immikkoortoqarfiani suleqatigiissitaliussaaq. Suleqatigiissitamit atuartut atuanngitsoortarnerat eqqarsaatigalugu kisitsisit anguniagassat pillugit; atuanngitsoorneq qaqugukkut akuerineqarsinnaanersoq, qaqugukkut erumassuteqartoqartassanersoq aamma atuarfiup qaqugukkut nalunaarusiortarnissaa suliarineqassapput?

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq.

Innuttaasunik peqataatitsineq/Attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Ilangussat

Ilangussaqaanngilaq



Punkt 03B: Meeqqat Atuarfianni isumaginninnermut siunnersorteqarnerup killiffia

Beslutning

Ilisimatitsissut tusaatissatut tiguneqarpoq.

Meeqqat Atuarfianni isumaginninnermut siunnersorteqarnerup killiffia

Ilisimatitsissut

J.nr.: 51.00-G01-136-19

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Meeqqat Atuarfianni isumaginninnermut siunnersorteqarnerup killiffia pillugu Meeqqanut Atuarfeqarnermullu Ingerlatsivik allaaserisaqarpoq. Taanna matumuuna Meeqqanut Atuarfeqarnermullu Ataatsimiititamut ilisimatitsissutit saqqummiunneqassaaq.

Inassuteqaatit

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititaliamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersuumi atuarfiit tamarmik isumaginninnermut siunnersorteqartinneqarput. Atuarfinni ataasiakkaani, angajoqqaanik sanngiinnerrusunik angajoqqaartaqarnerusuni, allatut agguataarineq atorveqarpoq. Tasiilami Alivarpimmi marlunnik isumaginninnermut siunnersorteqarpoq. Nuussuup Atuarfia aamma ASK piffissaq tamakkerlugu atorfeqartinneqartumik ataatsimik sulisoqarput aamma ullup affaani sulisoq agguataagassaq pigineqarput.

Isumaginninnermut siunnersortit, atuartut toqqjissimallutik, ilikkagaqarnissamut eqqjissillutik atuarnissaat eqqarsaatigalugu, suliassarujussuarmik kivitsisarput. Atuarfimmiit atuarfimmu sorpiaat atortorineqarlutik atorveqartarnersut assigiinngiiaartitilaarpoq, suliassalli pingaarnerit imminnut assigiissupilussuupput, tamannalu matumani kingusinnerulaartumi itisilerneqassaaq. Nuummi isumaginninnermut siunnersortit ullut 14-innikkuutaarlugit imminnut isumasioqatigiillutik naapittarput. Aappassaaneeraangamik, qaammammut ataasiarlutik, tarnip pissusaanik immikkut ilisimasalimmit avataaneersumit suliamut atatillugu siunnersorneqartarput (supervision).

Atuarfiit pisortaannit oqaatigineqarpoq isumaginninnermut siunnersortit atuartunut, angajoqqaanut ilinniartitsisunullu ulluinnarni assut iluaqutaasut.

Isumaginninnermut siunnersortit atuarfinni atuartut ingerlalluartaunngitsut, aammalu inuttut misigissutsitigullu ajornartorsiuqartut, oqaloqatigisarpaat. Isumaginninnermut siunnersortit atuartunut ingerlalluannngitsunut assut iluaqutaasarput. Ilinniartitsisut ulluinnarni sulinerannut, atukkatigut assigiinngitsunik ajornartorsiorfiusinnaasumi, assut ikiuutaasarput.

Ulluinnarni isumaginninnermut siunnersortit atuartunut qanittuupput, taamaattumik meeqqat qanoq innerat malugillaarsinnaasarpaat. Taamatut qanittumik inissisimaneq atuartut isumaginninnermut siunnersorti toqqjissisimanartippaat, atuartorpassuillu taamaalillutik nuanninngitsunik eqqarsaateqartut annilaangasullu nuanniilliuutitik pillugit ikiorserneqarlutik oqaloqatigisinnaavaat.

Atuarfinni ataasiakkaani eqimattat oqaloqatigiittarfianik isumaginninnermut siunnersorti neqerooruteqartarpoq, taakkunanani meeqqat pingaartumik mianernartut naapillutik misigissutsinik nuanniilliuutigisaminnik oqaloqatigiittarput. Oqaloqatigiittarnerit/eqimattat taakkua meeqqat paasitittarpaat kisimik taamatut misigissutsimikkut misigisaqartannginnerannik.

Isumaginninnermut siunnersortit angajoqqaanik qanimut suleqateqarput, angajoqqaanillu akuutitsisarlutik. Isumaginninnermut siunnersortit aamma taakkuusinnaapput meeqqat angajoqqaaminnut ajornarkusoortunik oqaatiginninnissaannut ikiuisuusut.

Tasiilami Alivarpimmi assigiinngitsunik ilinniagallit sullissiviannik pilersitsineq toqqarneqarsimavoq, tassani isumaginninnermut siunnersortit ataqatigiissaarisutut inissisimatinneqarput. Assigiinngitsunik ilinniagallit sullissivianni ilaqutariit klassii, aliasuuteqartunut eqimattat, atuartut anersaartorfiat, KRAM (nerisaqarneq, pujortartarneq, imigassaq timigissartarnerlu) aaqqiagiinngissuteqarnerup aaqqiissuteqarfiginiarnissaa aamma pinnguarnermik ingerlatsisartut ingerlanneqarput. Assigiinngitsunik ilinniagallit sullissivianni ataatsimut ataatsimiinnerit ingerlanneqartarput, tassani suliat ataasiakkaat eqqartorneqartarput. Iliuusissanik pilersaarusionerq, eqqortumik ikiuinissaq tapersersuinissarlu tassani siunertaavoq. Atuarfinni isumaginninnermut siunnersortit aamma ilaqutariinnik siunnersuisarneq kiisalu atuarfimmi sulisunik sulianut atatillugu siunnersuisarneq (supervision) neqeroorutigisarpaat. Tamakkua saniatigut isumaginninnermut siunnersortit, ilinniartitsisut suliaasaq pillugu saaffiginnissuteqaraangata, nalunaarusiortuusarput. Isumaginninnermut siunnersortit minnerpaamik ukiumut marloriarlutik nunaqarfinnut angalasarpur, angalanerminni Tasiilap Alivarpiamisut sullissineq neqeroorutigineqartarpoq.

Aaqqiissutissatut siunnersuut – suliatigut naliliineq

Soqanngilaq

Aningaasatigut sulisoqarnikkullu naliliinerit

Soqanngilaq.

Inatsisitigut tunngavissaq allakkallu tunngaviusumik uppernarsaatitallit

Soqanngilaq

Ingerlariaqqinnissaq

Aningaasaqarnermut Allatseqarfimmit oqaaseqaatit

Soqanngilaq.

Innuttaasunik peqataatitsineq/Attaveqaaqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Ilanngussat

Soqanngilaq.

Punkt 03C: Nuussuup Atuarfiani ilinniakkerisarfik

Bilag

Bilag 1 Projektplan for lektiecafé på Nuus Kal.docx

Nuussuup Atuarfiani ilinniakkerisarfik

Ilisimatitsissut

J.nr.: 51.00-G01-112-19

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Nuussuup Atuarfiani atuarnut angajullernut misiliummik ilinniakkerisarfimmik neqerooruteqartoqartalerpoq. Inuit Ataqatigiit Demokraatillu akornanni suleqatigiinnissamut isumaqatigiissut tunngavigalugu misiliut aallartinneqarpoq, tassani atuareernerup kingorna ilinniakkerisarfinnik/ilinniagassanut ikiorsiinissamut neqerooruteqartarnissaq anguniarneqassasoq aalajangersarneqarpoq.

Kissaatigineqartoq aallartisarniarlugu Atuarfinnut ulluuneranilu neqeroorutitut Immikkoortortaarfik Nuussuup Atuarfia suleqatigalugu misiliummik suliaqarpoq.

Misiliut 2019-imi apriliimit aasaaneranut ingerlavoq, ukiorlu atuarfiusoq 2019/20-mi ingerlaqqissalluni.

Inassuteqaatit

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Atuarfinnut ulluuneranilu neqeroorutitut Immikkoortortaarfik Nuussuup Atuarfia suleqatigalugu misiliutigalugu Nuussuup Atuarfiani atuarnut angajullernut ilinniakkerisarfimmik aallartitsivoq. Tamanut assigiissumik pitsaassusilimmik ilinniartitaaneq inuunerlu tamaat ilinniarsinnaanermut periarfissaqarneq qulakkeerneqassasoq siunertaavoq - FN-ip nunarsuarmut anguniagaa nr. 4.

Ilinniagassanut ikiorsiinissamut neqeroorut Illorpumi, kajumissutsiminnik suliaqartunit ingerlanneqarluni, misilinneqareerpoq. Taamatut ilusiligaanera iluatsissimannigilaq atuartunik takkuttoqanngimmat.

Tassanga misilittakkat aallaavigalugit allatut ilusiliilluni misiliisoqarpoq.

Allatut ilusiliinerup kinguneraa Nuussuup Atuarfiani ataatsimoortarfimmi, aulami, atuarnut angajullernut sap. ak. marloriarluni akunnerit 2 x 2-ni ilinniagassanut ikiorsiinissamik neqeroortoqartalerneranik.

Atuarfimmilinniartitsisut marluk ilinniakkerisarfimmik pilersaarusionermik ingerlatsinermillu akisussaasuupput. Atuarnut skemat sivitsorlugit ilinniakkerivik ingerlanneqartarpoq, tamannalu atuarnut skemanut ilanngunneqarpoq atuarnut periarfissaat ersarinnerulersinniarlugu. Ilinniartitsisut atuarnut suleqatigalugit najoqqutassiaq suliaaraat. Atuarnut ornigunnissaannut suut pisariaqartinneraat aperineqarput. Sapinngisamik atuarnut amerlanerpaat ornigunnissaat kissaataavoq.

Ilinniakkerisarfik ilinniagassanut ikiorneqarnissamik, ingilluni ilinniagassalerinissamut, atuakkanik atuarnissamut, spiliniq pinnguarnissamut, tassa pingajussaaneeraangamik pinnguaatinik unammuaarnissamut, periarfissiisarpoq. Tamatuma saniatigut atuarnut ualikkut sutugassaqartinneqartassapput. Nuannersuunissaa anguniarneqartarpoq, atuarnut tikilluaqqusaasutut misigisarniassammata.

Ilinniakkerisarfik 2019-imi apriliimit aasaaneranut ingerlavoq, ukiorlu atuarfiusoq 2019/20-mi ingerlaqqissalluni.

Aaqqiissutissatut siunnersuut – suliatigut naliliineq

Misiliut kommunimi atuarfinni sinnerini qanoq ilinniakkerisarfii aallartinneqarsinnaaneranut killiliussassanut toqqammavigineqassaaq. Atuartut ilinniagassanik ikiorneqarneratigut faginut ikorfartorneqartarnissaat ilisimasassanillu tuniorarneqarnissaat siunertaavoq.

Nuussuup Atuarfiani misiliut marloriarluni naliliiffigineqassaaq. Naliliineq siullesq 2019-imi decembarimi pissaaq, naliliinerullu tullia 2020-mi maajimi pissaaq. Kommunimi atuarfinni allani ilinniakkerisarfii atutilersinneqarnissaanut suliniut, naliliineq toqqammavigalugu, naleqqussarneqassaaq.

Aningaasatigut sulisoqarnikkullu naliliinerit

Ilinniartitsisut tiimii sammisassanut pilersaarummut allanneqassapput, atuarfiullu akissarsiasaanut kontuanit akissarsissutigineqartarlutik.

Atuarfeqarnermut Immikkoortortaqaarfianit ineriartortitsinissamut kontumiit Nuussuup Atuarfiata akissarsiasaanut kontuanut akissarsiasatut aningaasat nuunneqassapput.

Inatsisitigut tunngavissaq allakkallu tunngaviusumik uppersaatitallit

Suleqatigiinnissamut isumaqatigiissummi anguniagaq "Atuareernerup kingorna ilinniagassaleriffii/ilinniagassanik ikiorsiisarfiit inersarnerat ingerlaqqissaaq, atuartut ikiorserneqarnissaminnik pisariaqartitsisut inersimasumit ikiorserneqarfigisinnaasaannik."

Ingerlariaqqinnissaq

Ilinniakkerisarfimmiit misilittakkat pitsaasut atuarfinnut allanut ingerlateqqinneqarnissaannut najoqqutassatut atorneqassapput.

Aningaasaqarnermut Allatseqarfimmit oqaaseqaatit

Soqanngilaq.

Innuttaasunik peqataatitsineq/Attaveqatigiinneq

Misiliutip ingerlanerani atuartut peqataatinneqarput. Ilinniakkerisarfii qanoq ittuunissaa orniginartuunissaalu pillugu ilinniartitsisut atuarfimi atuartut angajullit oqaloqatigai. Atuartut akissutai tunngavigalugit ilinniakkerisarfimmut killiliussat ilinniartitsisut aalajangeriuppaat.

Ingerlatsivinnit allaniit oqaaseqaatigineqartut

Soqanngilaq.

Ilanngussat

1. Nuussuup Atuarfiani ilinniakkerisarfimmut pilersaarut.

Punkt 03D: Kivitsisa aamma Meeqqat Atuarfianni angusat kingullit pillugit ataatsimeeqatigiinneq

Beslutning

Ilisimatitsissut tusaatissatut tiguneqarpoq.

Kivitsisa aamma Meeqqat Atuarfianni angusat kingullit pillugit ataatsimeeqatigiinneq

Ilisimatitsissut

J.nr.: 51.00-G01-189-19

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Ulloq 13 aamma 14 aggusti Hotel Hans Egede-mi ataatsimiinnerit ingerlanneqarput. Ilinniartitaanermut Aqutsisoqarfik, Naalakkersuisup Ane Lone Baggerip kissaataa tunngavigalugu, ataatsimiinnermut aggersaasuvoq. Kommunini atuarfeqarnermut ingerlatsiviit kiisalu ataatsimiititani siulittaasut Kivitsisa pillugu ataatsimiittoqarnissai Naalakkersuisumit kissaatigineqarsimavoq – Kalaallit Nunaanni meeqqat atuarfiisa kivinneqarnissaat meeqqallu atuarfiini angusat kingullit pillugit.

Ataatsimiinnermi Ilinniartitaanermut Aqutsisoqarfik, Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoqarfik, Ilinniartitsinerмик Ilisimatusarfik, Digitaliseeriinnermi aqutsisoqarfik kiisalu kommunini atuarfeqarnermut ingerlatsiviit ataatsimiititallu siulittaasui peqataapput.

Ataatsimiinnermi paasisaqarnissaq, kiisalu Kivitsisa pillugu nukittunerusumik annertunerusumillu suleqatigiissuteqarnissaq, nuna tamakkerlugu meeqqat atuarfianni angusat kingullit, kommunimut pilersaarut aammalu suaassutsimut agguataarneqarnerisa saniatigut ilisimatitsissuteqarnissaq siunertaavoq.

Inassuteqaatit

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- Ilisimatitsissut tusaatissatut tiguneqassasoq.

Suliassamik saqqummiussineq

Ataatsimiinnermi susasaqarfigineqartut tamarnik suliassaat aammalu suliniutit ingerlanneqartut pillugit paasissutissiillutik saqqummiussiffigineqarput.

Kivitsisap killiffia suleriaqqinnissarlu saqqummiunneqarput. Tamatuma kingorna Kivitsisa pillugu suleqatigiissuteqarnissaq ataatsimut eqqartorneqarpoq.

Meeqqat atuarfianni nuna tamakkerlugu angusat kingullit, kommunimut pilersaarut kiisalu suaassutsimut agguataarineq Ilinniartitaanermut Aqutsisoqarfimmiit saqqummiunneqarput. Saqqummiunneqarput ukiut arlallit ingerlaneranni inaarutaasumik soraarummeertarnerup qanoq ineriartorsimanera.

Inaarutaasumik atuartut soraarummeertarnerat fagini arlalinni naammaginangitsumik inisissimasoq inerniliissutigineqarpoq.

Pingaartumik matematik appariartorfiusimavoq. Kisitassanik nammineq ikkussugassanik atuartut inaarutaasumik soraarummeeraangamik amerlanerusut Fx-imik pisarput.

EU-mik suleqateqarnissamik isumaqatigiissut Ilinniartitaanermut, Ilageeqarnermut Kultureqarnermullu Naalakkersuisoqarfimmit saqqummiunneqarpoq. EU-mit akiliutsinnissamat

naammasseqquneqartut piumasaqaatillu pillugit paasissutissiineq saqqummiussinermi saqqummiunneqarput.

Nalunaarusiortarnissaq akiliutsinnissamut piumasaqaataavoq.

EU-mit oqaatigineqarpoq, piumasaqaatinut tunuliaqutaasut nalunaarusiornermi pitsaaneruseqarpoq. Kommunit Naalakkersuisoqarfille allaaserinninnerminni erseqqinnerusariaqarput.

Ilinniartitaaneq pillugu iliuusissaq nutaaq 2020-2030 suliarineqassaaq. Nuna tamakkerlugu pilersaarummik sanasoqarnissaa kissaatigineqarpoq.

2020-2030-mut ilinniartitaaneq pillugu pilersaarut nutaaq kommunit suliniutaannut ilanngunneqassaaq.

Aaqqiissutissatut siunnersuut – suliatigut naliliineq

Meeqqat Atuarfiini sulianut tunngasut pitsaanerulersinneqarnissaasa qitiutinneqarnissaat eqqarsaatigalugu, makkua aallartinneqassapput:

- Suliniut LøkkeFonden – sanngiinnerusut sulianut tunngasunik piginnaangorsarneqassapput, taakkunanilu ilinniartut suliatigut ikorfartorneqassapput peqatigitillugulu inooqataanikkut ineriartortinneqassapput.
- Meeqqat Atuarfianni matematik aamma pinngortitaq pillugu fagi annertuneruseqarpoq qitiutinneqassapput.
- Misissorneqassaaq, ilinniartitsisut ilinniarnermi fagini tunngavigisaminnik ilinniartitsisuunermi taakkuninnga ilinniartitsinerisa procentinngortinneqarnera. Misissuineq meeqqat atuarfianni ilinniartitsisut ilinniarnermi fageqartarnissaannik qitiutitaqarnerulernissamut atorneqassaaq, atuartut ilisimasassaat annertusitinneqassappata.

Aningaasatigut sulisoqarnikkullu naliliinerit
Soqanngilaq.

Inatsisitigut tunngavissaq allakkallu tunngaviusumik uppernarsaatitalit
Soqanngilaq.

Ingerlariaqqinnissaq

Aningaasaqarnermut Allatseqarfimmit oqaaseqaatit
Oqaaseqaateqanngillat

Innuttaasunik peqataatitsineq/Attaveqatigiinneq
Soqanngilaq.

Ingerlatsivinnit allaniit oqaaseqaatigineqartut
Soqanngilaq.

Ilanngussat
Soqanngilaq.

Punkt 4: Aalajangiiffigisassat

**Punkt 5: Suliat Aningaasaqarnermut Inuussutissarsiornermullu
Ataatsimiititamut**

Punkt 05A: Meeqgerivinni nakkutilliinermi naliliineq

Beslutning

Inassuteqaatit akuerineqarput.

Bilag

Bilag Den samlede evalueringsrapport KAL .docx

Meeqqerivinni nakkutilliinermi naliliineq

Ilisimatitsissut

J.nr.: 28.00.00-G01-31-19

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Kommuneqarfik Sermersuumi meeqqeriviit tamarmik ukiumut ataasiarluni nakkutilliivigineqartarput. 2018-imi nakkutilliinermi nalunaarutit ataatsimut nalilerneqarneqarnerat matumani Meeqqanut, Ilaqutariinnut Atuarfeqarnermullu Ataatsimiititamat ilisimatitsissutigineqarpoq.

Inatsisartut inatsisaanni nr. 16, 3. decembari 2012-imi § 5, imm. 2 allassimavoq, kommunalbestyrelse pisussaasoq meeqqqanut ulluunerani neqeroorutit tamaasa nalinginnaasumik perorsaanermullu tunngatillugu nakkutigissagai, pisortat suliamut tamatumunnga naapertuuttut suleqatigalugit.

Nakkutilliineq Atuarfinnut ulluuneranilu neqeroorutinut Immikkoortortaqaqarfinni siunnersortinit ingerlanneqarpoq.

Nakkutilliinerit kingunerisaannik Atuarfinnut ulluuneranilu neqeroorutinut Immikkoortortaqaqarfinni siunnersortit meeqqerivinnilu aqutsisut sulinerminni aalajangersimasunik immikkoortortanik eqqumaffigisassaqaalerput.

Inassuteqaatit

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq
- Suliaq Aningaasaqarnermut Inuussutissarsiornermullu Ataatsimiititamat Kommunalbestyrelse-mullu ilisimatitsissutigut ingerlanneqassasoq

Suliassamik saqqummiussineq

Inatsisartut inatsisaat nr. 16, 3. decembari 2012-imeersoq tunngavigalugu meeqqerivinni nakkutilliartorneq Atuarfinnut ulluuneranilu neqeroorutinut Immikkoortortaqaqarfinni perorsaanikkut siunnersortinit ingerlanneqarpoq. Nakkutilliinermut nalunaarummut najoqqutassaq aallaavigalugu nakkutilliinermi ataatsimut naliliisoqarpoq. Qulequttat tulluuttut najoqqutassaminngaanneersuupput.

Meeqqriveqarnermi siunertaq, Inatsisartut inatsisaat § 2 naleqqiuguk

Periutsit Ilikkalertorfiusut tunngaviit 7-it atuutilersinneqarnissaanut suliniut suli tamakkiisumik iluatsinngilaq. Ilinniartitaanermut Aqutsisoqarfinniit atuartsisoqarnissaa amigaatigineqarpoq, tassa imaappoq, sulisut tunngaviit 7-it pillugit nutaanik paasissutissanik tuniorarneqarnikuunngillat. Tamanna pillugu suliniarneq arriitsumik ingerlavoq, sulisorpassuillu isumatusaarlutik sulipput.

Meeqqrivimmi ukiumoortumik pilersaarusiortarput, ingerlatsivimmiit sammisassat pilersaarummut ilanngunnissaat, pisussallu minnerpaamik qaammammut ataasiarluni pilersaarummik ersarissumik angajoqqaanut suliaqartoqartarnissaa, piumasarineqarpoq.

Meeqqriviit ilaat pitsaasumik suliniut ingerlappaat, ataasiakkaalli malinnaatinneqartariaqarput.

Ukiumoortumik pilersaarutit sapaatip-akunnerannullu pilersaarutit meeqqerivinni ataasiakkaani ataqatigiinnerulernissaat immikkut sulissutigineqassaaq.

Angajoqqaanik suleqateqarneq

Meeqqerivinni amerlanerpaani ukiumut pingasoriarluni atuisunut ataatsimiititsisoqartarpoq. Meeqqerivinni ataasiakkaani ukiumut marloriaannarluni ataatsimiititsisoqartarpoq, ataatsimiinneq ataaseq angajoqqaanik sammisaqatigiinnermut atorneqartarmat, soorlu: Ataatsimut nereqatigiinneq, aasaanerani aqqissuussineq, ataatsimut aqqissuussineq il.il.

Ingerlatsivimmit aqutsisunut oqaaseqaatigineqarpoq ukiumi aggersumi Inatsisartut inatsisaat nr. 16, 3. decembari 2012-imeersumi § 21-p imarisai pingaartinneqarnerulissasut, tassa kommunip meeqqeriviutaani atuisunut tunngasut.

Meeqqeriviup angajoqqaallu akornanni tunngaviusunik naleqartitanik ataatsimut ineriartortitsineq pitsaasumik suleqatigiinnermik tunngavissiisimavoq. Suli suleqatigiinnerup nukittorsarneqarnissaa sulissutigineqassaaq.

Angajoqqaanik attaveqaqateqartarneq assigiinngitsutigut ingerlanneqartarmat angajoqqaanut ilisimatitsisarneq kipisoorsinnaasarpog. Meeraq tunniunneqaraangat aaneqaraangalluunniit oqaloqatigiinnikkut, meeqqalluunniit atisaajartarfianut allakkamik tunniussinikkut imaluunniit Facebookikkut gruppimi matoqqasukkut attaveqaqatigiinneq pisarpoq. Ataatsimut attaveqaqatigiittarfiup amigaataanera angajoqqaanit naammagineqartannilaq. Angajoqqaanit tamanit takuneqarsinnaasumik ersarissumik attaveqaqatigiinnermut atorneqarsinnaasumik atuisoqartarnissaa meeqqerivinni aqutsisunut erseqqissaatigineqarpoq.

Meeqqat pillugit

Meeqqeriviit meeqqap ineriartornerannik nalilersuinnermut immersugassat atortarpaat. Immersugassaq meeqqap inissisimavia aallaavigalugu sorliussanersoq toqqarneqartarpoq, tamatumalu kingunerisaanik suleriaatsit assigiinngisitaartut atorneqartarput. Assigiinnerusumik nalilersueriaaseqalernissaaq sulissutigineqassaaq. Ukiuni tulliuuttuni perorsaasut meeqqat mappiini immersuisarnissaat, taamalu misiliutit MIIM3 aamma MIIM5-inik, ilaatigut atualernissamut piareersimanermit misiliutinik imalik, ingerlattarnissaat, pingaarnertut aallunneqassapput.

Meeqqanut inissinneqarsimasunut tunngatillugu ulloq unnuarlu paaqqinnittarfinnik namminersortunik suleqateqarnerup pitsanngorsarneqarnissaa pingaartinneqassaaq.

Aggustip qaammataaniit meeqqanut atualertussanut sammisassaqaartitsinerit aallartissapput. Meeqqanut atualertussanut sammisassaqaartitsisarnerit meeqqerivimmiit meeqqerivimmut assigiinngitsuussapput.

Meeqqanut suli atualinngitsunut aasaanerani atuangiffiup kingorna atualertussanut sammisassaqaartitsisarnissat pillugit AKO-kkunniit atuarfiit suleqatigineqarnerat aallartinneqarput.

Ukiumut perorsaanikkut pilersaarut Inatsisartut inatsisaat nr. 16 § 16 imm. 2 toqqammavigalugu

Meeqqeriviit tamarmik ukiumut pilersaarusiortarput. Ukiumut pilersaarummi anguniagassatik kiisalu anguniakkanik naliliinerit allattarpaat. Tamatuma saniatigut ukiumut pilersaarummi meeqqeriviup meeqqanut isiginneriaasaat kiisalu ukiup ingerlanerani sammisassaqaartitsisarnerit ingerlanneqartussat ilanngunneqartarput.



Sulisogarneq

Sulisunik atorfinitsitsinerni tamatigut meeqqanik innarliisimanginnermik uppernarsaammik piniartoqartarpoq. Sulisut tamarmik atorfininnerminnut atatillugu suliat allaaserineqarneri pisarpaat.

Napparsimalluni peqannginneq pillugu oqaloqatigiittarneq, aqutsisut pikkorissarnerannit atortussat aallaavigalugit, napparsimasarnerit ikilisarneqarnissaat anguniarlugu, pitsaasumik kinguneqarpoq.

Sulisut amerlanerit aalajaatsuupput, sulisulli taarseraattarnerat ulluinnarni suli atuuppoq. Meeqquerivinni amerlanerit sulisut 1-3-t taarseraattarput, ataasiakkaanilu inuit 10-t tungaannut allanik suliffissarsiorlutik.

Tamangajammik sulisuminnik sulisut piginnaasaasa ineriartortinneqarnerat pillugu oqaloqatiginnittarput (MUS), tamannalu siuariarneruvoq. Ingerlatsivinniit pingaartinneqassaaq aqutsisut tamarmik MUS-imik ingerlatsinissaat kiisalu MUS-imit malitseqartitsisarnissaat anguniagassanillu piviusunngortitsisarnissaat.

Isumannaallisaaneq

Meeqquerivinni arlalinni pinnguartarfiit nutaanngilisimapput. Ajaaja Paarsisorlu piaartumik sinittarfiit annikitsunik allanngortiterneqarnissaannut uparuarneqarsimapput. Meeqquerivinni taakkunani marlunni ataasiinnarmik isertarfeqarpoq, tassa ikuallannermi aniffissiaqanngillat. Ajaajami ikuallannermi aniffissiaq siniffinnit asseqqavoq.

Meeqqueriviit meeqquerivimmut tulluarsakkanik upalungaarsimanissamik pilersaarutininik peqanngillat. Kingusinnerpaamik 2019-imi marsip qaammataani upalungaarsimanissamik pilersaarusiortoqareersimassasoq, 2019-ip ingerlanerani naammassisussamik, ingerlatsivimmit piumasarineqarpoq.

Ingerlatsivik tunngaviusumik peqarpoq, meeqqueriviilli meeqquerivimmut tulluarsartussaavaat.

Pegqissuseq

Aqutsisut qinnuigineqarput sulisunut erseqqissaassasut sumi paasissutissanik, qanoq iliornissamut piareersimanissamut, nappaatinut tuniluunnartunut pinaveersaartitsinissamut ilitsersuutininik kiisalu aseruunnerit tuniluunnissaannut pinaveersaartitsinissamut ilitsersuutit, nassaarsinnaanersut pillugu.

Kommuneqarfik Sermersuup nerisaqartitsineq pillugu politikkaa sapinngisamik meeqquerivinni tamani igaffimmi sulisunit malinneqartassaaq.

Aaqqiissutissatut siunnersuut – suliatigut naliliineq

Soqanngilaq.

Aningaasatigut sulisoqarnikkullu naliliinerit

Soqanngilaq.

Inatsisitigut tunngavissaq allakkallu tunngaviusumik uppernarsaatitaliit

Inatsiartut inatsisaat nr. 16, 3. december 2012

Ingerlariaqqinnissaq

Meeqqanut Atuarfeqarnermullu Ingerlatsivik nakkutilliiartornerit tunngavigalugit ukiumut tulliuuttumut suliniutissat tulliuuttut sulissutigissavaat

- Napparsimaneq pillugu sulinngiffeqartoqarnerani pitsaanagerusumik pilersaarusiorneq .
- Meeqqanut suli atualinngitsunut sammisassaqartitsisarnerit qitiutinneqassapput.



- Meeqqanut immikkut ittumik pisariaqartitsisunut tunngatillugu pitsaanerumik pilersaarusiornissaq.
- Tunngaviit 7-it atuutilersilluarneqassapput.
- Suleqatigiinneq pitsaasoq ingerlateqqinneqassaaq
- Ikinngutigiinneq, oqaloqatigiissinnaaneq ataqqe qatigiissinnaanerlu.
- Init tamarmik ataavartunik sulisoqarnissaat sapinngisamillu inissianik neqerooruteqartoqartassasoq.
- Kammagiitta pillugu atuarfiup Qajaasallu akornanni suleqatigiinnermi ilisimasanik avitseqatigiittarnissaq.
- Inini allannguutissanik suliaqarneq.
- Tikilluaqqusisarneq nutarterneqassaaq.

Tamatuma saniatigut meeqqerivinni aqutsisut supervisionertarnissamut kissaateqarnerat qitiutinneqassaaq.

Perorsaanermut siunnersortit nakkutilliiartortarnerit pilersaarusiortuortalissavaat, taamaasilluni nakkutilliiartornermi aqutsisunut naatsorsuutit ersarinnerulersinneqarlutik.

Aningaasaqarnermut Allatseqarfimmit oqaaseqaatit

Soqanngilaq.

Innuttaasunik peqataatitsineq

Innuttaasunik peqataatitsinertaqanngilaq

Ingerlatsivinnit allaniit oqaaseqaatigineqartut

Soqanngilaq.

Ilanngussat

1. Ataatsimut naliliinermit nalunaarusiaq.



Punkt 6: Taasariaqartut allat

Beslutning

Soqanngilaq.

Punkt 7: Suliaq matoqqasoq

Punkt 8: Imaqarniliap akuerineqarnera

Beslutning

Imaqarniliaq akuerineqarpoq nal. 14:33.